



**Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones ab Innocentio XIII. & Benedicto XIII. editas

**Luxemburgi, 1740**

XIV. Exemptio Militum Theutonicorum ab oneribus ad instar  
Hierosolymitanorum.

---

[urn:nbn:de:hbz:466:1-74724](#)

ANNO 40  
1721.

INNOCENTIUS DECIMUS-TERTIUS.

in praedicta Ecclesia Sancti Joannis in Laterano Sedi Apostolica juxta Ordinationes, & statuta Collegii dictorum Pénitentiariorum per Cardinales Majores Pénitentiariorum Prædecessores edita, vel pro tempore existentem Cardinalem Majorem Pénitentiariorum edenda decennii spatio præstiterint (de quorum tamen adimplimento, & requisitus idem pro tempore existens Cardinalis Major Pénitentarius pro ejus arbitrio, & conscientia superioribus ipsius Ordinis testimonium exhibeat) reversi deinde ad proprias Provincias de licentia ejusdem Cardinalis Majoris Pénitentiarii, omnibus, & singulis privilegiis, prærogativis, præminentibus, & præcedentiis, quibus Fratres Ordinis prædicti, qui Ministri Provinciales fuerunt, tam de jure, usu, & consuetudine, quam alias quomodolibet utuntur, fruuntur, & gaudent, ac uti, frui, & gaudent possunt, & poterunt in futuro, pari modo, & absque ulla prorsus differentia uti, frui, & gaudent libere, & licite possint, & valeant in omnibus, & per omnia, perinde ac si Provincialatus munere perfuncti fuissent, ita tamen, ut inter ipsos minores Pénitentiariorum Apostolicos, & Exprovinciales servetur æqualitas, & quoad ordinem præcedentia sola prioritas, sive antianitas Paternitatis attenderatur, tenore præsentium concedimus & indulgemus.

Clausulae.

§. 2. Decernentes easdem præsentes Literas Semper firmas, validas, & efficaces existere, & fore, saoisque plenarios, & integrös effectus fortiri, & obtinere, ac illis, ad quos spectat, & pro tempore quandocumque spectabit in omnibus, & per omnia plenissime suffragari; sive in præmisso per quoscumque Judices Ordinarios, & Delegatos, etiam Causarum Palatii Apostolici Auditores judicari, & definiri debere, ac irritum, & inane, si fecis super his a quoquam quavis autoritate scienter, vel ignoranter contigerit attentari.

§. 3. Non obstantibus Constitutionibus, & Ordinationibus Apostolicis, ac prædictorum Ordinatis, & Provinciarum, etiam juramento, confirmatione Apostolica, vel quavis firmitate alia roboratis, statutis, & consuetudinibus, privilegiis quoque, indultis, & Literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plene, & sufficienter expressis, ac ad verbum insertis habentes, illis alias in suo robore permanens ad præmissorum effectum hac vice dumtaxat specialiter, & expresse derogamus, ceterisque contrariis quibuscumque.

§. 4. Volumus autem, ut earumdem præsentium Literarum transumptis, seu exemplis, etiam impressis manu aliquis Notarii publici subscriptis, & sigillo Personæ in Ecclesiastica Dignitate constituta munitis, eadem prorsus fides ubiquique locorum tam in judicio, quam extra illud habeatur, que haberetur ipsis præsentibus, si fovent exhibita, vel ostenta.

Datum Romæ apud S. Mariam Majorem sub Annulo Piscatoris die I. Septembbris MDCCXXI. Pontificatus Nostri Anno Primo.

XIII.

Conceditur Custodi & Guardiano S. Sepulchri facultas conferendi Sacramentum Confirmationis.

Inn. XI. Conf. ed. 1678. Maij 25. P. 2. designatus fuit Conventus ubi Neapoli morari debeat Commissarius Terra Sanctæ. Et Bened. XIII. Conf. ed. 1727. Mar. 3. P. 3. confirmantur privilegia & indulgentiae concessa Fratribus Terra Sanctæ.

ANNO 40  
1721.

INNOCENTIUS PAPA XIII.

Ad futuram rei memoriam.

Cum ad infra scriptam Cardinalium Congregationem delatum fuerit dubium - An Custos & Guardianus Sancti Sepulchri Domini Nostri Iesu Christi ex speciali hujus Sanctæ Sedis delegatione, & vigore nonnullorum privilegiorum per dilectos filios superiores Ordinis Fratrum Minorum Sancti Francisci de Observantia nuncupatorum exhibitorum, necessarias facultates habeat conferendi Sacramentum Confirmationis. Nos pro commissa Nobis cælitus Pastoralis Officij cura omnes difficultates, ac in posterum dubitandi hac in re occasionem tollere cupientes, ac dilectum Filium Joannem Philippum a Mediolano Fratrem expresse professum dicti Ordinis, ac Custodem, & Guardianum dicti Sancti Sepulchri specialibus favoribus, & gratiis prosequi volentes, & a quibusvis excommunicationis, suspensionis, & interdicti, aliisque Ecclesiasticis sententiis, censuris, & penit a jure, vel ab homine quavis occasione, vel causa latissim, si quibus quomodolibet innovatus existit, ad effectum præsentium dumtaxat consequendum harum serie absolventes, & absolutum fore censes, auditis votis Venerabilium Fratrum nostrorum S. R. E. Cardinalium in tota Republica Christiana adversus hereticam pravitatem Generalium Inquisitorum auctoritate Apostolica specialiter deputatorum, eidem Joanni Philippo Custodi, & Guardiano ejusdem Sancti Sepulchri durante ejus Officio, & pro locis Terra Sanctæ tantum, ubi non erunt Episcopi Ritus Latini, in propria Diœcesi residentes potestatem, & facultatem conferendi Sacramentum Confirmationis hujusmodi Oleo, & Chrismate etiam antiquis, si nova haberi non possint per Catholicum Antistitem gratiam & communionem Sedis Apostolica habente, benedicis, dicta auctoritate, tenore præsentium concedimus, & delegamus; salva tamen semper in præmisso auctoritate memorata Congregationis Cardinalium.

§. 1. Non obstantibus præmisso, ac Apostolicis, & in Universalibus Concilii editis generalibus, vel specialibus Constitutionibus, & Ordinationibus, ceterisque contrariis quibuscumque. Datum Romæ apud Sanctam Mariam Majorem sub Annulo Piscatoris die XIII. Septembbris MDCCXXI. Pontificatus Nostri Anno Primo.

ANNO  
1721.

Dat. 13. Sept.  
1721. An. 1.

Cause praefectionis concessio-

Concessio  
prædicti Ioanni  
Philippo  
Custodi. Se-  
pulchri facta  
pro locis ubi  
non sunt Epi-  
scopi Latini.

XIV.

Confirmatur Constitutio Pii V. de exemptione ab oneribus ad instar Militum Hierosolymitanorum pro Militibus Theutonicis.

Conf. ed. 1721. Jul. 24. P. 1. confirmata fuerunt quamplurima alia privilegia.

INNOCENTIUS PAPA XIII.

Ad futuram rei memoriam.

Militantis Ecclesiæ regimini meritis licet imparibus divina dispositione præsidentes inter cæteras Apostolica servitutis curas in eam peculiariter studio invigilamus, ut ea, que a Romanis Pontificibus Prædecessoribus Nostris in favorem Militarium Ordinum ad Sanctæ Fidei Catholica defensionem, & propagationem pietatis, salubriterque institutorum provide emanasse noscuntur, quo solidius perennent, Apostolici Muniti præsidio cum id a Nobis petitur libenter corroboramus, aliasque disponimus, prout conspicimus in Domino rationi esse consentaneum.

§. 1. Dudum siquidem a sa. me. Pio PP. V. Prædecessore Nostro emanarunt litera in simili

Dat. 10. Nov.  
1721. An. 1.

Exordium.

forma

1721.  
Pii Conf  
titutio qua  
Milites Theu  
tonici ex  
muntur ab  
oneribus,  
quibus non  
sunt subiecti  
Milites Hie  
rolymica  
ti.

forma Brevis, tenoris, qui sequitur, videlicet. *Pius Papa V. Ad futuram rei memoriam.* Promeretur fides, & devotio dilectorum filiorum Magistri, & Fratrum Militum Militiae Beatae Mariae Theutonicorum, ut eos specialibus favoribus, & gratiis quantum cum Domino possumus, libenter prosequamur. Hinc est, quod Nos precibus Magistri, & Militum Militiae hujusmodi Nobis per dilectum filium Nobilem Virum Comitem Prosperum ab Areu ejusdem Militiae Commandatorem, & Serenissimi Maximiliani electi Imperatoris apud Nos, & Sedem Apostolicam Oratorem humiliter porrectis inclinati, Magistro, & Militibus Theutonicis praeditis, ut ipsi posthac eadem privilegia, Indulta, Immunitates, & exemptiones, quas, & quae dilecti filii Magister, & Fratres Milites Militiae, seu Ordinis Hospitalis S. Joannis Hierosolymitani, in quibuscumque impositionibus Decimorum, subsidiorum, seu aliorum quorumcumque onerum prædictorum contra tenorem præsentium molestare, aut perturbare audeant, vel præsumant, sed Nostras haec literas eis inviolabiliter observent, & ab omnibus firmiter observari curent, & faciant. Nos enim irritum decernimus, & inane quidquid fecus a quoquam quavis auctoritate scienter, vel ignoranter contigerit attentari. Non obstantibus præmissis, ac Constitutionibus, & Ordinationibus Apostolicis quibusvis statutis, & Consuetudinibus, etiam juramento, Confirmatione Apostolica, vel quavis firmitate alia roboratis, privilegiis quoque, Indultis, & literis Apostolicis quibusvis personis quomodolibet in contrarium forsitan concessis, & confirmatis, seu imposterum concedendis, & confirmandis. Quibus omnibus eorum tenores, ac si de verbo ad verbum inferentes, præsentibus pro sufficiente expressis habentes, illis alias in suo robore permanens hac vice dumtaxat ad effectum præsentium specialiter, & expresse derogamus, ceterisque contraria quibuscumque. Datum Roma apud S. Petrum sub anno Piscatoris die 13. Martii 1568. Pontificatus Nostri anno tertio.

Præces Car  
dinialis Magni  
Præceptoris.

Confirmatio  
relata Con  
stitutionis.

§. 2. Cum autem, sicut dilectus filius noster Damianus Hugo S. R. E. Presbyter Cardinalis de Schonborn nuncupatus, frater Miles, ac Magnus Præceptor, seu Commendatarius Hospitalis primodicta Militiae Nobis nuper exposuit, ipse præsertas Pii Prædecessoris literas, quo serventur exactius, Apostolica Confirmationis nostra præsidio communiri, ac alias opportune ut infra a Nobis indulgeri summopere desideret. Nos ipsius Damiani Hugonis Cardinalis, & Magni Præceptoris, seu Commendatarii votis has in re favorabiliter annuere volentes, ejus supplicationibus Nobis super hoc humiliter porrectis inclinati de Congregationis nonnullorum ex Venerabilibus fratribus nostris S. R. E. Cardinalibus, & Romana Curia Praelatorum a Nobis specialiter deputatae, consilio, præsertas Pii Prædecessoriis literas cum omnibus, & singulis in eis contentis auctoritate Apostolica tenore præsentium confirmamus, & approbamus, ac innovamus, illisque inviolabilis Apostolica firmitatis robur adjicimus, hac tamen adjecta declaratione, ut sicuti in impositionibus, si non sunt expresse nominati fratres milites dicti Hos-

pitalis S. Joannis Hierosolymitani, non censentur comprehensi, ita etiam fratres milites Theutonici nunquam censeantur comprehensi nisi sint specialiter nominati.

§. 3. Decernentes easdem præsentes, & præsertas literas firmas, validas, & efficaces existere, & fore, suosque plenarios, & integros effectus fortiri, & obtinere, ac illis, ad quos spectat, & pro tempore spectabit in omnibus, & per omnia plenissime suffragari. Sicque in premissis per quoscumque Judices Ordinarios & Delegatos, etiam Causarum Palatii Apostolici Auditores judicari, & definiri debere, ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 4. Non obstantibus præmissis, necnon omnibus, & singulis illis, quæ in literis præsertis concessa sunt non obstat, ceterisque contraria quibuscumque.

§. 5. Volumus autem, ut earumdem præsentium literarum transumptis, seu exemplis, etiam impressis manu alicuius Notarii publici subscriptis, & sigillo personæ in Ecclesiastica dignitate constituta munitis, eadem prorsus fides ubique locorum habeatur, quæ ipsis præsentibus haberetur, si forent exhibita, vel ostensa.

Datum Roma apud Sanctam Mariam Majorem sub anno Piscatoris die X. Novembris MDCCXXI. Pontificatus Nostri Anno Primo.

Confirmatur Decretum Definitorii Gen. Eremitarum S. Augustini de reductione Magistrorum Provinciæ Castellæ.

*Auctus fuit numerus Magistrorum in Provincia Peruviana a Clemente XI. Conf. ed. 1720. Oct. 20. P. 20. Et ab hoc Pontifice augetur in Provincia Chilen. Conf. ed. 1723. Augst. 7. P. 3.*

### INNOCENTIUS PAPA XIII.

XV.

*Ad futuram rei memoriam.*

E xponi Nobis nuper fecerunt Dilecti filii fratres Provincia Castellæ Ordinis Eremitarum Sancti Augustini, quod cum in dicta Provincia numerus quadraginta Magistrorum in Sacra Theologia, qui cum a Prio Generali Ordinis hujusmodi ex gratia, & absque designato numero provideantur, reperiatur, ad maiorem quantitatatem etiam multiplicari possunt, per dictum vero numerum dictæ Provinciae maximum gravamen, & præjudicium inferatur, Definitorio generali in ultimis generalibus Comitiis celebratis pro ejus reductione usque ad triginta Magisteria in eadem Sacra Theologia, & quatuor de Pulpito, itaut ejusmodi numerus imposterum excedi, & alterari minime possit, supplicavit; Quandoquidem Provincia ipsa tantas vires sufficiens non habet pro subministrandis vestiatis Magistris prædictis ultra dictum numerum triginta quatuor, & rursus, quia in celebratione Capitulorum Provincialium major erit numerus eorumdem Magistrorum, quam Priorum votum habentium, cum omnes Conventus non sint, quam numero triginta novem taliter, quod in Provincialibus Comitiis factio eorumdem Magistrorum Prioribus minime consideratis, prævalebit. Bene tamen verum est, quod cum omnes Magistri ascendant, ut præfertur, ad quadraginta, insuper in eadem supplicatione petitus fuit, quod idem Prior Generalis alium instituere nequeat usquedum numerus ad triginta quatuor Magisteria redactus non fuerit; exceptis tamen quatuor de Pulpito tantummodo, quæ prædicta Provincia pro unica vice modo institui posse instabat, ne, donec

Dat. 18. Nov.  
1721. An. 1.

Cause, &  
modus redi  
gendi Magi  
steria ad 34.